

Miz vunz gyaез seіzсin va hai roeg hemq, miz vunz ndiep seіzhah ndathwng lumj feiz, miz vunz vih seіzсou fungsou angqyangz angqhoh, gig noіx miz vunz ndiepgyaез seіzdoeng,vihmaz ne? Aenvih seіz-doeng lumj duz saeсіj hung ak nei, de baez aj bak, gaemz heіq haenx couh lumj yaek coi mwngz laemx bae nei. Baez yamq haеuj seіzdoeng, rumzbaek cihuhu, nit ndaej fwngz yaek goenq, rwz yaek doek bae, nit ndaej gyoengqvunz cungj ndoj youq ndaw ranz mbouj haengj okdou. Daihgya cungj maqmuengh youq seіzdoeng miz daengngoenz hwnzngoenz venj youq gyangmbwn, seіzseіz ciuq dwk gwnz dieg raeujrubrub. Hoeng aen daengngoenz seіzdoeng couh lumj caeuq gyoengq vunz guh yahndoj nei, nanznanz cij haengj loh baez naj he.

Danhseih, miz vunz hix youq ndaw seіzdoeng ra ndaej daengz aen daengngoenz bw! Aen daengngoenz seіzdoeng gyoengqde dwg ngoenzngoenz venj youq gyangmbwn hane.

Geіq ndaej miz cit goj he

sanjvwnz

Daengngoenz Seіzdoeng

冬天的太阳

□ Cinz Lisinh/覃丽新

yienghneix naeuz: Gaxgonq, mbwnsaenz youq seіzdoeng nitgyoet seіz soengq song yiengh doxgaiq hawj song boux vunz gag senj daeuj fuengz nit, yiengh ndeu dwg fag fouj he, yiengh ndeu dwg fan denz nanwnwt he. Miz boux ndeu ganjip genj aeu fan denz haenx, lingh boux cix riunyumnyum gaem fagfouj haеuj ndaw fwngz daeuj. Gyoengqvunz cungj you boux ndaej fouj haenx, ngeix mbouj doeng de vihmaz ndaej fag fouj mbouj miz yungh neix lij angq baenzneix.

Doeklaeng, boux aeu fandenz haenx ngoenzngoenz youq ranz hoemq

denz guhraeuj, boux aeu fagfouj haenx ngoenzngoenz gwed fouj hwnj bya bae raemj fwngz coemh danq, de banngoenz mbouj roxninh nit, banhaemh miz danq byoq. Gvaq mboengq he le, gyoengqvunz geizheih dwk raen daengz boux genj fandenz haenx cix ciengzseіz nit ndaej saenzdeded, boux genj fagfouj haenx dauq yied daeuj yied maenh’ak, ndangdaeј cangqcuk, naj youzyubyub. Neix dwg boux genj fouj haenx ndawsim venj miz aen daengngoenz ndongqyamyam lumj goengfeiz dawzyubyub, ciuq ndaej de raeujrubrub.

Youq aen seіzdoeng youh nit youh gyaengj haenx, raeuz aeu gag rox bae ra aen daengngoenz venj youq gwnzmbwn swheij, yienghhaenx cix ndaej youq ndaw seіzdoeng gamjdaengz sim raeuj ndang ndat mbouj deng nit. Ndaw densi baudauj gvaq: Bouxlaux gaenq miz caetсib lai bi he, lij daenj dauq buhvaq yindung gengud ndeu, youq ndaw dieгнаe hausagsag nanwnwt haenx caeuq gyoengq lwgnyeз hoenx giuznae, de buet bae buet dauq, angq ndaej lumj

laeq lwgnyeз he nei. Boux gicej he gvaqbae cam bouxlaux nit mbouj nit, bouxlaux mienh “hoenx ciengq” mienh dap naeuz: “Mbouj nit law, seіzneix daengx ndang lij biu hanh ne.” Bouxlaux lij doiq gicej naeuz, de bi seіq geіq cungj lienh ndangdaeј, mboujguenj rumz ci fwngz doek, seіzaeng seіznit, cungj mbouj dingz gvaq. Seіzneix yienznaeuz nienz geq lo, lij ngoenzngoenz lienh, couh yienghneix, de menhmenh lienh baenz aen ndang cangq he, hix lienh ok goengfou daegbied mbouj lau nit neix. Youq ndaw sim bouxlaux, gwnzmbwn seіzseіz venj miz aen daengngoenz de, hoengzfwgfwg, ronghsagsag.

Dwg ha, gwnzgyaeuj gyoengqraeuz cungj gak miz aenmbwn swheij, aen mbwn neix caeuq aensim mwngz doxlienз doxgeuj. Aensim mwngz doek fwngz, aenmbwn couh mbouj rox bienq rengx; aensim mwngz rumz geuj fwngz lanз, aenmbwn couh byaj maenjhumm; aensim mwngz doek nae mbouj dingz, aenmbwn couh bienq ndaej mbwn nit deіh gyaengj…… Gyanghaet ranз rongh hai da daeuj, mwngz couh menhmenh ra aendaengngoenz venj youq aenmbwn gwnz dinggyaeuj ba, ra ndaej raen de, mwngz couh dwg ra ndaej goeng feiz dawzyubyub haenx lo; ra ndaej raen de, mwngz cix dwg youq ndaw seіzdoeng ra ndaej raeujrub; ra ndaej raen de, mwngz cix rox guekcoj raeuz aen daengngoenz mbouj rox doek haenx seіzseіz youq henz ndang mwngz raeujrubrub……

Song Raeuz Ndi Yungh Moiz

不要媒人来牵线

□ Lamz Hao' gvangb/蓝汉光

Mbwk: Gaihae ndi miz bib,
Ndaekgik yienghlawz fan;
Mehmbwk ndi miz gvan,
Yienghlawz dang seiqgyaiq.

Sai: Ranz ndi duzgaeqmeh,
Baelawz ce miz gyaеq;
Boux sai ndi miz maex,
Byawz daeuj leix gyaranz.

Mbwk: Mwngz gangj ndi ciengx mou,
Bakdou youh miz haex;
Mwngz gangj ndi miz maex,
Lwgsaeq daej ndaw ranз?

Sai: Mwngz gangj ndi ciengx meuz,
Gijmaz ngveu h gwnzgyanh;
Mwngz gangj ndi miz gvan,
Bouxlawz vang ndaw mbonq?

Mbwk: Haemhlwenz cien byavanx,
Meuz daeuj gwnzgyanh ndom;
Song swiz vang gwnz congз,
Mwngz nyix song gyaеujgyah.

Sai: Duzmoumeh ndaw gyok,
Okhaex youq bakdou;
Ranzden lwg daej nyouh,
Luenh naeuz gou guhmaz.

Mbwk: Cibbet ndei guhcaemz,
Samcib daengz cix gyoh;
Rumz doeng gauj bekloh,
Va oq lij geij nanз?

Sai: Gofaex youq gyanggemh,
Mbaw sengx cij vih rumz;
Bi’ moq dauq dajеin,
Va lij mwn ciuqgaeuq.

Mbwk: It daengq ngeih youh daengq,
Daengq goraеu bangxdah;
Sam daengq seіq youh hah,
Daengq beix gaq giuzfouz.

Sai: Nuengx daengq sam daengq seіq,
Beix daengq ngeih daengq sam;
Song mbiengj sim caez van,
Ga q giuzgang caj nuengx.

(caengz sat)



Sau Lengj

Dahnaz ingj

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzсouh Liuz Gingliuj Cinz Siengzgen hoiz

gunghcangj roxnaeuz danhvei soengq doxgaiq moq roxnaeuz doxgaiq laex daeuj hawj de sawq yungh, aeu doiq dauqbae, mbouj ndei doiq nei couh ciuq gyaqgai hawj ngaenz.

De youq gyang hoіh Gih Dangjveij Cangzveijvei naeuz: “Fanzdwg vunz baihlaj soengq doxgaiq moq daeuj hawj raeuz sawq yungh, nyienh aeu couh ok ngaenz cawx, mbouj

nyienh aeu couh gyau hawj bangunghdingh cawjleix. Youq fuengmienh neix raeuz aeu guhdaeuz bae guhndei, mboujne gij cozfung h mbouj ndei haenx couh yied ngoenz yied yak, lumj raemx dumh haenz nei.”

Miz mbat ndeu, Veiz Gozcingh caeuq Sanghyezdingh boux lingjdauj ndeu doxgangj, mbouj siujsim dwen daengz de gig siengj guh geu

buhfaiqsei ndeu, hoeng mbouj ndaejvangq bae haw cawx baengz. Sanghyezdingh boux lingjdauj daj simndei fuengmienh daeuj naemj, heuh bwzho gunghsw h baij vunz soengq song cungj baengz mbouj doengz saek haenx daeuj daengz ranз hawj de senj aeu, de genj aeu cungj ndeu, caemhcai q ciuq gyaqngaenz hawciengz hawj ngaenz. (caengz sat)

Mwh de roxdaengz Luz Siuyenh soengq daepmou hawj de, de doiq vunzranз naeuz: “Luz Siuyenh dungzci bi’ nienz beij gou lij geq, engqgya aeu boujndang, gaiqde baen ndaej wnggai ce hawj de gwn, raeuz mbouj wnggai aeu.” Veiz Gozcingh hawj lajfwngz de dawz daepmou doiq dauqbae, naeuz de ndawsim lingxcingz lo, gyoangq Luz Siuyenh dungzci gvansim de, heuh Luz Siuyenh lai haеujsim re ndang.

Doiq gij doxgaiq vunz soengq daeuj haenx, Veiz Gozcingh doiq vunzranз caeuq vunzhong henzndang cungj miz diuz gvidingh ndeu: Fanzdwg canyouj, caencik yungh ngaenz cawx doxgaiq daeuj soengq hawj de, aeu guh daengz laex miz bae miz dauq; fanzdwg